

rint, capsulis tiliaceis minimè humectis resonantur. Sunt & qui chartis foliisve ad seninum conseruationem vtiliter inuoluantur. Cæterum liquidis medicamentis conueniet materia quævis densior: qualis est argentea, vitrea aut cornea. Quin & fictilis, si medo rara non sit, accommodatur: itemque ligera, eaque potissimum quæ ex buxo paratur. Aptæ verò erunt ænea vascula medicamentis oculariis ac liquidis, iisque omnibus quæ ex aceto, pice liquida aut cedria componuntur. Adipes autem ac medullas staneis vasis recondi oportet.

De Iris. C A P. I.

Iris à cœlestis arcus similitudine nomen obtinuit. Folia fert gladio similia, sed maiora, latiora & pinguiora: flores verò in caule ita è regione inter se collocatos, ut sibi mutuo respondeant, reflexos ac varios. Partim enim albi, partim pallētes, partim nigri, partim purpurei, partim deniq; cœrulei conspiciuntur. Atq; adeò propter hanc varietatem factū est, vt planta ipsa iridi cœlesti assimilata fuerit. Radices subiacent geniculatæ, solidæ, odoratae: quas incisas in umbra siccari, tandemque lineo filo traiici, atq; ita recodi oportet. Est porrò præstātior Illyrica & Macedonica: ac inter has ipsas optima, cui desa radix.

A. iiiij.

DIOSCORIDIS

est, quasi decurtata, frangenti contumax, colore subfuluo, perquam odorata, gustu amariore, odore sincero, quæque situm non redolent, ac inter tundendum sternutamentum ciet. Secundum verò quoad vires locum obtinet Africana, colore alba, gustu amara. Vetera scétes teredinum iniuriam sentiunt: tunc tamen odoratores reddi solent. Ceterum vim habent omnes excalfactorium, attenuantem, & contra tusses efficacem, ut quæ humores ægrè excreabiles attenuant. Crassos biliososque humores ex multa septem drachmarum pondere potæ purgant: somnum quoque conciliant, lacrymæque carent, & torminibus medentur. Eadem ex aceto potæ venenatorum morsibus auxiliantur: itemque lienosis, conuulsis, perfrigeratis aut rigidibus, iisque quibus genitura effluit: ex vino verò bhibitæ, menses ducent. Sed & earum decoctum ad muliebres fatus est accommodatum: quippe quod locos emolliat & aperiat: nec minus idoneum ad ischiadicorum infusa, itemque ad ea medicamenta quæ fistulas & sinus carne expletant. Radices ipsæ cum melle collyrij in modum subditæ, fœtus extrahunt. Coctæ verò & admotæ, strumas inueteratosque scirrhos emolliunt. Siccae eadem ac tritæ vleera implent, & cum melle expurgant, osfaque

saque nudata carne operiunt. Conferunt & ad capitis dolores, ex aceto & rosaceo applicitae: lentigines & maculas à Solis ardore contractas exterunt, cum veratro albo & duplo melle illitæ. Induntur & pessis, malagmatis & acopis: ac in vniuersum ad multa sunt utilissimæ.

De Acoro. CAP. II.

ACORVM folia habet iridis æmula, at-tamen angustiora, radicésque non dis-similes, verùm implicitas, neque in rectum actas, sed obliquas & in summa terræ su-perficie sparsas, geniculis interceptas, subal-bidas, gustu acres & odore non ingratas. Praestat verò densum, album, carie non ex-e-sum, plenum & odoratum. Huiusmodi au-tem est quod in Colchide nascitur, quódq; ex Galatia aduectum Asplenium dicitur.

Vim habet radix calfactoriæ: potíusq; eius decoctum vrinas ciet, lateris, thoracis, hepatisque doloribus subuenit: itemq; tor-minibus, ruptis, conuulsis. Lienes ablumit: iuuat & eos quibus substillum est lotium, & à beluis venenatis demorsos: ac infessu tan-quam iris ad muliebria conducit. Succus ra-dicis ea, quæ pupillæ officiunt caliginémq; offundunt, discutit. Utileiter etiam ipsa radix antidotis immiscetur.

De Meo. CAP. III.

MEVM, quod Athamaticum cognomi-
natur, plurimum in Macedonia & Hi-
spania nascitur, caule foliisque anetho simi-
le, sed eo ipso crassius, ad duos aliquando cu-
bitos astringens: sparsis ima parte radicibus
tenuibus, partim obliquis, partim etiam re-
ctis, longis, odotatis & linguam excalfacien-
tibus. Haec in aqua decocta, aut etiam citra
cocturam ad laevoem tritae, vitia ex vesicæ
renumque angustiis orta potu leniunt, & v-
rinæ difficultati conducunt: itemque sto-
machi inflationibus, torminibus, veterinis
affectibus, & articulorum doloribus. Tho-
raci quoque fluxione laboranti elegmatis
instat cum melle tritæ auxiliantur. Eatun-
dem decoctum in seisu sanguinem per men-
strua pellit. Infantium autem imo ventri il-
litæ, vrinas mouent. Quod si Meum largius
quam oporteat ebibatur, capitis dolorem
conciliat.

De Cypero. CAP. IV.

CYPERVM nonnulli æquè atque aspa-
lathum, erysiscyprum nominant. Fo-
lia [ima] fert porro similia, sed longiora &
exiliora: caulem verò cubitalem aut etiam
maiorem, angulosum, iuncco similem: cuius
in cacumine minuta folia sese proferunt,
inter quæ est semea. Radices subiacent,
quarum

[quarum etiam usus est] oblongæ instar oliuarum, inter se cohærentes, aut etiam rotundæ, nigræ, odoratæ, amarulentæ. Nascitur in locis cultis iuxta atque palustribus. Optima radix quæ grauissima est, densa, plena, ægrè fragilis, aspera & odorata cum quadam acrimonia. Huiusmodi verò censemur Cilicia, itemque Syriaca, & quæ à Cycladibus insulis petitur. Vis ei excalfaciendi, vasorum oscula recludendi, & vrinas mouendi. Calculosis & hydropticis pota auxilio est, ut & à scorpione ictis. Quin & vulvæ perfrigerationibus & obstructionibus fotu accommodatur, mensisque euocat. Sicca & a lauorem trita facit ad oris ulcera, etiam despicientia. Miscetur & malagmatis calfaientibus, & ad vnguentorum ipsilamenta aptatur. Memoratur & altera Cyperi species, quæ in India nascitur, zingiberis effigie: quæ commanducata croci vim reddere & amarore prædicta esse animaduertitur. Illata verò, pilos quamprimum aufert.

De Cardamomo. CAP. V.

CARDAMOMVM præstantissimum censetur, quod ex Comagene, Armenia & Bosphoro importatur. In India quoque & Arabia prouenit. Eligito quod est frangenti contumax, plenum, occlusum (quod enim tale non est, exoletum iudicatur) & caput

odore tentans, gustu acre & subamarum. Vim habet calfactoriam. Ex aqua potum facit ad epilepticos, tuffentes, ischiadicos, paralysim, rupta, conuulsa, tormenta: & latum lumbricum expellit. Confert autem ex vino epotum renum vitio laborantibus, difficulter meientibus, à scorpione ictis, omnibusque quos virulenta animantia venenis appetuerunt. Cum lauri verò radicis cortice drachmæ pondere bibitum, calculos comminuit: nec non fœtus suffitum enecat, & psoras ex aceto illitum aufert. Quin & ad spissamenta vnguentorum aliisque antidotis additur.

De Nardo. CAP. VI.

NARDI duo sunt genera. una siquidem Indica, altera Syriaca nuncupatur: nō quod in Syria inueniatur, sed quod montis in quo nascitur, pars una Syriam, altera Indos spectet. Ac in eius quidem, quæ Syriaca dicitur, genere præstantior ea censetur, quæ recens est, leuis, comosa, colore flavo, perquam odorata, quæque præter quam quod odore cyperum imitatur, breuem habet spicam, gustu est amaro linguamque maximè siccante, ac in sua odoris gratia diutinè permanet. Ex Indicæ verò nardi genere est quæ Gangetica dicitur, à fluvio quodam Gange nominato, qui montem, ad cuius radices ea nascitur,

nascitur, præterfluit. Hæc viribus est infirmioribus, quod in locis aquosis proueniat, estque procerior, atque complures haber spicas ab eadem radice tum comosas, tum sibi inuicem circumuolutas, virūisque redolentes. At quæ in editiore montis parte legitur, odoratior est, pusillaisque habet spicas, iucundumque cyperi odorem æmular tur, ac cæteras habet in se dotes, quas & Syriaca cognomina. Est & quædam, cui Samphariticæ nomen à loco inditum est, admodum pusilla, attamen magnas habens spicas, inter quas medius interdum protumpit caulis, candidior & supramodum hircum olens. Hanc damnare in totū oportet. Venditur & madefacta: sed huiusmodi vitiū ex eo deprehenditur, quod cädida sit spica, squalida, nullaq; obsita lanugine. Adulteratur inspirato stibio cum aqua aut vino palmeo, quod videlicet magis compacta ponderosiorque appareat. Vtus tempore si quod lutum radibus hæserit, id ipsum auferre oportet, vt & puluerem cribro incernere, qui quidem ad aquam cluendis manibus dicatam accommodatur. Vim habent excalisciendi, excandi, vrinásque ciendi. Quamobrem & aluum epotæ fistunt, & appositæ, ex vtero fluxiones saniemque compescunt. Ex frigida vero pote, nauæ & stomachi rotationibus

auxiliantur: itēmque iis qui à flatibus exagitantur, hepaticis, ictericis atque nephriticis. Aquæ autem incoctæ, seu fōtu seu infusā yuluæ inflammationibus medentur. Faciunt & ad superfluo humore redundantes oculorum palpebras, dum ipsa cilia astrin-gunt & condensant. Quin & siccæ, humen-tibus corporibus ad summouendam gra-ueolentiam vtiliter insperguntur. Miscentur etiam antidotis. Porrò ad ocularia quo-que medicamenta vsque ad summum leuorem tritæ & cum vino in pastillos confor-matæ, vase nouo non picato reconduntur.

De Nardo Celtica. C.A.P. VII.

Celtica Nardus nascitur quidem in Liguriæ Alpibus, vernaculo sermone Gallica di-cta, sed & in Istria prouenit. Est verò pusil-lus breuisque frutex, qui cum radicibus in manuales fasciculos colligitur: foliis oblon-gis, subflavis, flore luteo. Caulium & radi-cum duntaxat usus est & odoris suauitas. Quare pridie aspersos aqua fasciculos, amo-to terreni si quod inhæserit, in humidiore solo supposita priùs charta insternere oportet, ac postridie repurgare: siquidem utile cum aceroso & alieno minimè propter hu-moris vim excutitur. Adulteratur autem herba persimili, quæ vnà cum ea vellitur, quāmque propter virosum odorem, hirs cu-lum.

Ium nominant. Facile verò est hanc ab illa internoscere: quandoquidem herba est caulis expers & candidior, minùsque oblongis prædicta foliis: quin neq; radicē habet amara aut aromaticam, quemadmodū legitima nardus. Itaque abiectis fossis cauliculos radicēsque seponito: ac siquidem ad usum reponere volueris, tritos vino excipito, tandemque ex iis concinnatos pastillos fictili vase nouo ac diligenter operculato reserua. Optima verò cenietur, quæ recens est & odorata, radicosa, plena minimèque fragilis. Iisdem quibus & Syriaca viribus pollet: sed & valentiùs urinas ciet, & stomacho est accommodatior. Iecoris inflammationibus suffusisque felle auxiliatur: itemque ventriculi inflationibus, cum absinthij decocto pota. Eodem planè modo valet & ad lienis, vesicæ renūmque vitia: itemque ex vino, ad venenatorum morsus. Cæterum additur etiam in malagmata, potionēs & vnguentā calcipientia.

De Nardo montana. CAP. VIII.

Nardus montana, quæ à quibusdam thylacitis & neris appellatur, in Cilicia & Syria nascitur, foliis & caulis eryngio similibus: sed minoribus, non tamen alperis & acaleatis. Radices subiacent nigrae, odoratae, binæ plurēsve, ceu hastulæ regiae, sed graci-

liores longeque minores. Neque verò cauem neque fructum, neque florem diu sustinet. Valet ad eadem omnia radix, ad quæ & Celtica nardus.

De Asaro.

C A P . I X .

ASARVM aliqui sylvestre nardum appellant. Folia habet hederæ, sed densiora multò & rotundiora: florem inter folia iuxta radicem, cæruleum, hyoscyami cytinum referentem, in quo semen acini nucleo simile. Radices subiacent numerosæ, geniculatae, tenues, obliquæ, graminei similes, longè tamen graciliores & odoratæ: quæ quidē lingua excalfaciūt, valdeq; mordent.

Calfaciendi, vrinas vomitūmque ciendi vi præditæ sunt: ideoque hydropicis & inmetratae ischiadi profunt, ac menses quoque prolixiunt. Senis drachmis ex multis bibitæ radices, veratri albi modo purgant. Misercentur & vnguentis. Prouenit autem asarum in opacis montibus: plurimum verò in Ponto, Phrygia, Illyrico & Vestino Italiae agro.

De Phu.

C A P . X .

PHU, quod & ipsum aliqui sylvestre nardum appellant, in Ponto nascitur, foliaque profert elaphoboso aut oleri atro similia: cauem cubitalem, aut etiam maiorem,

rem, lœuem, mollem, purpurascentem, in medio cauum, geniculis interceptum. Flores ad narcissinos proximè accedunt, sed & minores sunt & teneriores, & in albicante colore purpurei. Radix superiore quidem sui parte digiti parui crassitudinem fermè æquat, sed habet ex obliquo capillamenta iunci aut veratri nigri instar inuicem implicita, flauescentia, odorata, atque adeo odore nardum emulanta, cum virofa quadam grauitate. Trita potui data, calfaciendi virinalque mouendi vim habet. Eius vero decoctum & idipsum præstare potest, & ad lateris dolorem est efficax, mensisque cit, & antidotis inseritur. Adulteratur rufci radibus admista: sed facile est illas dignoscere: sunt enim duræ & frangi contumaces, citra gratiam odoris yllam.

De Malabathro. CAP. XI.

MALABATHRVM nonnulli nardi Indicæ folium esse arbitrantur, odoris quadam cognitione decepti: sunt enim multa odore nardo similia, veluti phu, asarum, neris. Secus autem se res habet. Etenim peculiare genus est, quod in paludibus Indicis gignitur. Folium id est, quod leantis palustris modo aquæ innatat, nulla fultum radice. Idipsum collectum statim lino trahitur, siccatum que reconditur. Aiunt &

B. j.